

Adroddiad ar gyfer	<b>Awdurdod Tân ac Achub Gogledd Cymru</b>
Dyddiad	<b>18/06/18</b>
Swyddog Arweiniol	<b>Colin Everett, Clerc a Ken Finch, Trysorydd</b>
Swyddog Cyswllt	<b>Alwen Davies (01745 535286)</b>
Pwnc	<b>Cynllun Cydnabyddiaeth Ariannol Aelodau</b>



### **PWRPAS YR ADRODDIAD**

- 1 Cyflwyno Adroddiad Blynyddol y Panel Annibynnol ar Gydnabyddiaeth Ariannol, sy'n nodi'r newidiadau i'r gydnabyddiaeth i'r aelodau a fydd yn dod i rym ar ddyddiad y cyfarfod blynyddol, sef 18 Mehefin 2018.

### **CRYNODEB GWEITHREDOL**

- 2 Cyflwyno Adroddiad Blynyddol y Panel Annibynnol ar Gydnabyddiaeth Ariannol, sy'n nodi'r newidiadau i'r gydnabyddiaeth i'r aelodau a fydd yn dod i rym ar ddyddiad y cyfarfod blynyddol, sef 18 Mehefin 2018.

### **ARGYMHELLION**

- 3 Gofynnir i'r aelodau:
  - (i) nodi penderfyniadau Panel Annibynnol Cymru ar Gydnabyddiaeth Ariannol mewn perthynas â lwfansau aelodau a chydabyddiaeth ariannol, i'w weithredu ar 18 Mehefin 2018;
  - (ii) cytuno mai dim ond pan fydd yr aelodau i ffwrdd o gartref am bum awr neu fwy y gellir hawlio cynhaliaeth, a hynny yn unol â rheolau Cyllid a Thollau EM;
  - (iii) rhoi awdurdod dirprwyedig i'r Clerc i ddiweddarau'r rhestr o gydnabyddiaeth ariannol i aelodau o fewn cyfansoddiad yr Awdurdod, ac i wneud unrhyw newidiadau angenrheidiol i restr 2018/19 o bryd i'w gilydd yn ystod blwyddyn y cyngor, er mwyn adlewyrchu unrhyw newidiadau yn aelodaeth yr Awdurdod, neu o ganlyniad i unrhyw adroddiadau atodol a gyhoeddir gan Banel Annibynnol Cymru ar Gydnabyddiaeth Ariannol.

### **SYLWADAU GAN Y PANEL GWEITHREDOL/PWYLLGOR ARCHWILIO**

- 4 Nid yw'r Aelodau wedi ystyried yr adroddiad hwn o'r blaen.

## CEFNDIR

- 5 Ymestynnwyd cylch gwaith y Panel Annibynnol ar Gydnabyddiaeth Ariannol trwy Fesur Llywodraeth Leol (Cymru) 2011. O dan y pwerau a ddarperir gan y Mesur bu i'r Panel lunio cyfres newydd o Reoliadau a ddaeth i rym ar 1 Ebrill 2012. Mae'r Rheoliadau'n gymwys i daliadau a wneir i aelodau ac aelodau cyfetholedig awdurdodau lleol, awdurdodau parciau cenedlaethol a'r tri awdurdod tân ac achub yng Nghymru.

## GWYBODAETH

- 6 Mae'r Panel wedi penderfynu gwneud cynnydd bach yn y cyflog sylfaenol ar gyfer aelodau etholedig o brif gynghorau, felly bydd cynnydd i aelodau parciau cenedlaethol ac awdurdodau tân ac achub.
- 7 Ar gyfer awdurdodau tân ac achub mae'r Panel wedi gwneud y penderfyniadau canlynol:
- dylai'r cyflog sylfaenol ar gyfer aelodau cyffredin o ATA fod yn £1,745 (i fyny o £1,715)
  - dylai'r uwch gyflog ar gyfer cadeirydd ATA fod yn £10,445 (i fyny o £10,415)
  - gellir talu uwch gyflog ar gyfer dirprwy gadeirydd a hyd at ddau gadeirydd pwyllgor ATA lle ceir cyfrifoldeb sylweddol a pharhaus. Dylid talu hwn ar lefel o £5,445 (i fyny o £5,415)
  - mae'r Panel wedi penderfynu cynnwys darpariaeth ar gyfer ATAu i wneud cais am uwch gyflogau penodol neu ychwanegol nad ydynt yn perthyn i'r fframwaith cydnabyddiaeth ariannol presennol
  - ni chaiff aelodau dderbyn mwy nag un uwch gyflog gan ATA
  - telir uwch gyflog ATA gan gynnwys cyflog sylfaenol yr ATA ac mae'n rhaid iddo adlewyrchu cyfrifoldeb sylweddol a pharhaus
  - ni chaiff aelodau o brif gyngor sy'n cael uwch gyflog ym Mand 1 neu Fand 2 dderbyn cyflog gan unrhyw ATA arall y maent wedi'u henwebu iddo.
- 8 Mae Cadeirydd Awdurdod Tân ac Achub Gogledd Cymru yn Gadeirydd y Panel Gweithredol hefyd, a gall hawlio un cyflog yn unig. Er mwyn gwahaniaethu rhwng 'prif bwyllgor' a 'phwyllgor arall', argymhellir ei seilio ar nifer y cyfarfodydd a gynhelir bob blwyddyn. Mae'r Panel Gweithredol yn cwrdd bum gwaith y flwyddyn, ac mae'r Pwyllgor Archwilio yn cwrdd dair gwaith y flwyddyn. Felly, argymhellir bod yr Awdurdod yn parhau â'i benderfyniad blaenorol, sef bod Cadeirydd y Pwyllgor Archwilio yn cael ei dalu dan y categori "cadeirydd pwyllgor arall".

- 9 Mae'r ffi ddyddiol sy'n cael ei thalu i aelodau'r Pwyllgor Safonau yn aros yr un fath; sef ffi ddyddiol wedi'i chapio ar uchafswm o 4 diwrnod llawn y flwyddyn ar y gyfradd ganlynol:
- £256 o ffi ddyddiol (£128 am hanner diwrnod) i Gadeirydd y Pwyllgor Safonau
  - £198 o ffi ddyddiol (£99 am hanner diwrnod) i aelod Annibynnol.

## Lwfans Teithio, Cynhaliaeth a Gofal

- 10 Ni chafwyd unrhyw newidiadau i lwfansau teithio, cynhaliaeth a gofal, sy'n unol â chyfraddau Llywodraeth Cymru. Ond mae'r rhestr sydd wedi'i hatodi yn dweud na chaiff cynghorydd hawlio cynhaliaeth o fewn ei gyngor bwrdeistref ei hun felly cynigir bod cynllun cydnabyddiaeth ATAGC yn datgan bod modd hawlio cynhaliaeth os yw'r aelodau oddi ffwrdd o gartref am bum awr neu fwy, a hynny yn unol â rheoli Cyllid a Thollau EM.

### • Cynhaliaeth

£28 y dydd Lwfans dydd ar gyfer prydau, gan gynnwys brecwast, lle nad yw'n cael ei ddarparu yn y tâl am aros dros nos. Rhaid bod i ffwrdd am bum awr neu hwy er mwyn hawlio cynhaliaeth.

### • Llety

£200 y nos Llundain  
 £95 y nos Ardaloedd eraill  
 £30 y nos Aros gyda ffrindiau a/neu deulu

- Mae'r gyfradd **Milliroedd** yn aros ar 45c y filltir.

- 11 Mae Penderfyniad 43 yn yr adroddiad yn nodi:

“Rhaid i'r holl awdurdodau ddarparu ar gyfer ad-dalu costau angenrheidiol ar gyfer gofal am blant ac oedolion dibynnol (a roddir gan ofalwyr anffurfiol neu ffurfiol) ac ar gyfer anghenion cymorth personol hyd at uchafswm o £403 y mis. Rhaid i'r ad-daliad fod am y costau ychwanegol a ysgwyddwyd gan aelodau er mwyn iddynt gyflawni eu dyletswyddau cymeradwy. Dim ond ar ôl dangos derbynebaw gan y gofalwr y dylid ad-dalu'r costau.

- 12 Â'r adroddiad ymlaen i nodi fod y Panel yn erfyn ar awdurdodau i annog y defnydd o'r lwfans gofal ac yn nodi ei fod yn cydnabod bod rhywfaint o sensitifwydd yn gysylltiedig â chyhoeddi'r treuliau dilys hyn ac adlewyrchir hyn yn y dewisiadau ar gyfer cyhoeddi fel a nodir yn yr adroddiad. Diben yr adran hon yw galluogi pobl ag anghenion cymorth

personol a/neu gyfrifoldebau gofalu i gyflawni eu dyletswyddau'n effeithiol fel aelod o awdurdod. Mae'r Panel o'r farn na ddylai'r costau gofal ychwanegol sy'n ofynnol i gyflawni dyletswyddau cymeradwy atal pobl rhag dod yn aelod neu barhau i fod yn aelod o awdurdod na chyfyngu ar eu gallu i gyflawni'r rôl. gefnogi aelodau presennol ac i roi anogaeth ar gyfer amrywiaeth mae'r Panel yn erfyn ar awdurdodau i hybu ac annog mwy o aelodau i hawlio'r ad-daliad o gostau gofal.

## GOBLYGIADAU

Amcanion Llesiant	Ystyrir nad yw hyn yn berthnasol
Y Gyllideb	Bydd cynnydd o £30 yn y cyflog sylfaenol ar gyfer Aelodau ATAAu o ddyddiad Cyfarfod Cyffredinol Blyneddol yr awdurdod, felly mae'r cyflog sylfaenol blyneddol yn £1,745. Hefyd, bydd cynnydd o £30 yng nghyflog Cadeirydd a Dirprwy Gadeirydd yr ATA, felly mae'r cyflog blyneddol yn £10,445 a £5,445 yn eu trefn.
Cyfreithiol	Mae Rhan 8 ac atodlenni 2 a 3 o Fesur Llywodraeth Leol (Cymru) 2011 yn nodi'r trefniadau ar gyfer talu Aelodau awdurdodau perthnasol a swyddogaethau a chyfrifoldebau'r Panel Annibynnol ar Gydnabyddiaeth Ariannol. Yn unol â Rheoliadau'r Panel a'r canllawiau sydd yn Adroddiad Blyneddol drafft y Panel ar gyfer 2017/18, rhaid i'r Awdurdod lunio a chynnal Rhestr o Gydnabyddiaethau Aelodau, sy'n rhoi manylion y taliadau penodol y mae'n bwriadu eu gwneud i Aelodau ac Aelodau Cyfetholedig yn unol â'r lefelau cydnabyddiaeth a lwfansau a benderfynir gan y Panel yn ei Adroddiadau Blyneddol terfynol neu Adroddiadau Atodol. Rhaid i unrhyw newidiadau i'r Rhestr a wneir yn ystod blwyddyn y cyngor gael eu cyfleu i'r Panel cyn gynted ag y bo modd yn ymarferol ar ôl i'r newidiadau gael eu gwneud.
Staff	Ystyrir nad yw hyn yn berthnasol
Cydraddoldeb/Hawliau Dynol/Iaith Gymraeg	Nid ystyrir bod angen ymdrin ag unrhyw faterion, oherwydd mae'r argymhellion yr un mor gymwys i'r holl Aelodau ni waeth am y nodweddion gwarchodedig o dan y Ddeddf Cydraddoldeb Sengl.
Risg	Ystyrir nad yw hyn yn berthnasol